

■ PRO RAETIA 2013

Johannes Flury nov president

(anr/gc) Dapi l'enschatta da quest onn vegn la Pro Raetia (PR) – fundada 1949 sco uniun tetgala da las uniuns grischunas ordaifer il chantun Grischun e che sa numna uss associaziun per il Grischun – presidiada da Johannes Flury, Jenaz. El è stà fin la fin da 2013 rector da la Scol'auta per pedagogia dal Grischun ed alur daventà successur d'*Andreas Sprecher*, Turitg. Tenor il nov parsura duai la PR restar in forum nua ch'i vegn discutà tras dialog e contravers en la publicitad davart dumondas da princip ed impurtantas che pertutgan noss chantun. L'onn passà han ins per sumeglia tractà tar la dieta champestra a Puschlav «La plurilinguitad è plivalur».

Damain commembers – mo bunas finanzas

Era la PR sto registrar ils davos onns ina digren considerabla da commembers. L'onn passà era igl anc 555. Visavi diesch commembers novs hai dà 32 extradadas, tranter quellas era duas uniuns grischunas e quatter vischnancas pervi da la fusiun en Lumnezia. Diversas uniuns grischunas en la Bassa han da cumbatter per survivor. Ina dad ellas ha schizunt stuà capitular per mancanza da commembers ed inveteraziun.

Perencunter statti finanziailmain bain cun la PR. Il quint da 2013 serra – tar entradas da prest 96 000 ed expensas da 66 000 francs – cun in avanzament da radund 30 000 francs. La facultad munta ad 84 000 francs. – La PR survegn adina puspè dumondas da sustegnair projects. L'onn passà èsi stà en tut 32. Ord il fond cultural èn 19 vegnidadas resguardadas (per cudeschs, exposiziuns, musica e teater).

Collavuraziun cun autras organizaziuns

I dat diversas organizaziuns che la PR ha fundà u gidà latiers. Tranter quellas s'au-da era l'Institut per la perscrutaziun culturala dal Grischun. Quell'uniun, cun 700 commembers, ha edì l'onn passà quatter publicaziuns. Ina da quellas è la studia da *Rico Valär* davart il rumantsch – cun resguardar spezialmain Peider Linsel – ed en in'autra tracta *Annetta Ganzoni* l'ovra lirica dad Andri Peer. – Il Forum economic dal Grischun è sa fattschentà l'onn passà intensivamain cun il potenzial economic da noss chantun. En spezial hai sa tractà da la fiera d'electricitad e da strategias per l'economia turistica.

La Pro Vrin cooperescha vinavant

La Pro Vrin è stada confruntada cun il fatg che questa vischnanca è daventada 2013 istorgia ed è uss in vischinadi da la vischnanca fusiunada Lumnezia. Ins è perquai sa dumandà tge muntada che la Pro Vrin haja en l'avegnir ed era tge pen-sums.

Il cussegl da fundaziun da la Pro Vrin, presidià dad *Aurelio Casanova*, è vegnì a la conclusiun ch'ins veglia era sa faschentar vinavant cun las dumondas da construir bajetgs. Ella vulessia perquai survegnir da la nova vischnanca Lumnezia sco in mandat da pudair cussegljar en quest grà. Era fiss igl il giavisch da la Pro Vrin da vegnir integrada en la discussiun davart il Parc Adula.

La Pro Vrin vegn ad arranschar vinavant annualmain in inscunter cun la populaziun dal vitg. Sco lieu da sentupadas serva per tuts era la chasa da scola a Cons. Quella ha Vrin gi regalà a la Pro Raetia ch'è era responsabla per il manaschi.